

თბილისის მუნიციპალიტეტის საკრებულო

ურბანული დაგეგმარებისა და საქალაქო მეურნეობის კომისიის სხდომის

ოქმი #98

ქ. თბილისი

2021 წელი, 2 დეკემბერი, 12:00 საათი

სხდომას ესწრებოდნენ კომისიის წევრები:

რევაზ სოხაძე, გიორგი ტყემალაძე, დავით უთმელიძე, დავით ჭელიძე, თევდორე ისაკაძე

სხდომას არ ესწრებოდა კომისიის წევრი: ჯაბა ჯიშკარიანი, ვახტანგ შაქარიშვილი, გიორგი გაბაშვილი (03-032133520 – 01/12//2021), ნიკოლოზ ვაჩეიშვილი (03-03-032133527 – 01/12/2021)

სხდომის თავმჯდომარე: რევაზ სოხაძე

სხდომის მუშაობაში მონაწილეობდნენ:

ლევან ჟორჟოლიანი - იურიდიულ საკითხთა და ადამიანის უფლებათა დაცვის კომისიის თავმჯდომარე

№	ს ა კ ი თ ხ ი ს დ ა ს ა ხ ე ლ ე ბ ა
1.	„ქალაქ თბილისის მუნიციპალიტეტის საკრებულოს რეგლამენტის დამტკიცების შესახებ“ ქ. თბილისის მუნიციპალიტეტის საკრებულოს 2014 წლის 19 ივლისის №2-1 დადგენილებაში ცვლილების შეტანის თაობაზე (11-032133511-03 - 01.12.2021)
2.	„ქალაქ თბილისის მუნიციპალიტეტის საკრებულოს თანამდებობის პირთა და აპარატის პროფესიული საჯარო მოხელეების საშტატო ნუსხისა და თანამდებობრივი სარგოების დამტკიცების შესახებ“ ქალაქ თბილისის მუნიციპალიტეტის საკრებულოს 2018 წლის 16 იანვრის N10-26 დადგენილებაში ცვლილების შეტანის თაობაზე (11-032133511-03 - 01.12.2021)

კომისიის თავმჯდომარე ბატონი რევაზ სოხაძე მიესალმა კომისიის წევრებს და სხდომა გახსნილად გამოაცხადა.

ურბანული დაგეგმარებისა და საქალაქო მეურნეობის კომისიამ დღის წესრიგი დაამტკიცა.

1. „ქალაქ თბილისის მუნიციპალიტეტის საკრებულოს რეგლამენტის დამტკიცების შესახებ“
ქ. თბილისის მუნიციპალიტეტის საკრებულოს 2014 წლის 19 ივლისის №2-1
დადგენილებაში ცვლილების შეტანის თაობაზე (11-032133511-03 - 01.12.2021)

საკითხი წარმოადგინა იურიდიულ საკითხთა და ადამიანის უფლებათა დაცვის კომისიის თავმჯდომარემ ლევან ჟორჟოლიანმა. მისი თქმით, 2021 წლის 28 ივნისს საქართველოს ორგანულ კანონში „საქართველოს საარჩევნო კოდექსი“ განხორციელდა ცვლილება, რომლის თანახმადაც - აღნიშნული კოდექსის 155-ე მუხლის მე-4 პუნქტით განისაზღვრა ქ. თბილისის მუნიციპალიტეტის საკრებულოს არჩევისა და დაკომპლექტების წესი. აღნიშნული ცვლილების შედეგად ქ. თბილისის მუნიციპალიტეტის საკრებულოს შემადგენლობა განისაზღვრება 50 წევრით, რომელთაგან 10 წევრი აირჩევა ადგილობრივი ერთმანდატიანი მაჟორიტარული საარჩევნო ოლქების ტერიტორიაზე, ხოლო 40 წევრი – პროპორციული წესით ქ. თბილისის მუნიციპალიტეტის მთელ ტერიტორიაზე.

ზემოაღნიშნულის შესაბამისად, საქართველოს ორგანულ კანონში „საქართველოს საარჩევნო კოდექსი“ შესული ცვლილების შედეგად ქ. თბილისის მუნიციპალიტეტის საკრებულოში ადგილობრივი ერთმანდატიანი მაჟორიტარული საარჩევნო ოლქების რაოდენობა შემცირდა და ნაცვლად 25 სამაჟორიტარო ოლქისა, განისაზღვრა 10 სამაჟორიტარო ოლქით. აღნიშნულის გათვალისწინებით, გაფართოვდა ერთმანდატიანი სამაჟორიტარო ოლქების ტერიტორიები და მაგალითად: თუ სამგორის სამაჟორიტარო ოლქი ცვლილების განხორციელებამდე დაყოფილი იყო ოთხ სამაჟორიტარო ოლქად და შესაბამისად, არჩეული გახლდათ ოთხი მაჟორიტარი, ამჟამინდელი ცვლილებების შემდგომ აღარ იქნება ოთხი სამაჟორიტარო ოლქი და მაჟორიტარი, და არსებული ერთმანდატიანი სამაჟორიტარო ოლქი სრულად მოიცავს საარჩევნო ოლქის მოიცავს სრულ ტერიტორიას.

წარმოდგენილი დადგენილების პროექტით ქ. თბილისის მუნიციპალიტეტის რეგლამენტი შესაბამისობაში მოდის საქართველოს ორგანულ კანონში „საქართველოს საარჩევნო კოდექსი“ განხორციელებულ ცვლილებასთან.

ამასთან, წარმოდგენილი დადგენილების პროექტით, წარმომადგენლობის გამართული ფუნქციონირების, ადგილობრივი მოსახლეობის პრობლემების ეფექტურად და სწრაფად მართვის მიზნებიდან გამომდინარე, ისმაჟორიტარული ოლქი, რომლის ტერიტორიაც გაფართოვდა და მოიცვა ცვლილებამდე არსებული მაჟორიტარული წარმომადგენლობები შესაძლოა შედგეს წარმომადგენლობის ტერიტორიული ერთეულებისგან.

ასევე, შესაბამისობაში მოვიდა გაფართოვებული მაჟორიტარული ოლქების დაფინანსების საკითხი და აღნიშნული მაჟორიტარული ოლქებისთვის თანხის გამოყოფა მოხდება ქ. თბილისის ბიუჯეტიდან ქ. თბილისის მუნიციპალიტეტის საკრებულოსთვის განსაზღვრული ასიგნებების ფარგლებში ყოველთვიურად, იმ პროპორციით, თუ რამდენი წარმომადგენლობის ტერიტორიული ერთეულიც მოიცვა ზემოაღნიშნული ცვლილების შედეგად გაერთიანებულმა სამაჟორიტარო ოლქმა.

კერძოდ, მაგალითად: წარმოდგენილი ცვლილების თანახმად, სამგორის რაიონის მაჟორიტარული ოლქი გააერთიანებს დღეს მოქმედი 4 მაჟორიტარის წარმომადგენლობას. თითოეულის დაფინანსება დღეს მოქმედი რეგულირებით შეადგენს 5000 ლარს, რომელიც გადაეცემა გაერთიანებულ მაჟორიტარული ოლქს და განისაზღვრება 20 000 ლარით. შესაბამისად, აღნიშნული ცვლილებით არ ხდება ქ. თბილისის მუნიციპალიტეტის ბიუჯეტიდან დამატებით ხარჯების გამოყოფა.

აღსანიშნავია, რომ რეგლამენტის 15² მუხლის პირველი პუნქტის თანახმად, წარმომადგენლობის მიზანია მოსახლეობისთვის საკრებულოს მაჟორიტარ წევრთან შესაბამის საარჩევნო ოლქში კომუნიკაციის ხელმისაწვდომი პლატფორმის არსებობა.

ამავე მუხლის მე-2 პუნქტის თანახმად, წარმომადგენლობის ძირითადი ამოცანებია: ამომრჩევლებთან შეხვედრების ორგანიზება, ადგილობრივი თვითმმართველობის ორგანოების საქმიანობასა და ადგილობრივი საკითხების გადაწყვეტაში მაჟორიტარი საკრებულოს წევრის მონაწილეობის ხელშეწყობა და ადგილობრივი თვითმმართველობის განხორციელებაში, მუნიციპალიტეტისათვის მნიშვნელოვანი საკითხების განხილვასა და გადაწყვეტაში საზოგადოების ჩართულობის გაზრდის ხელშეწყობა.

ვინაიდან, საქართველოს ორგანულ კანონში „საარჩევნო კოდექსი“ განხორციელებულმა ცვლილებამ - ქ. თბილისის მუნიციპალიტეტის საკრებულოს მაჟორიტარული ოლქების შემცირებამ რიგ შემთხვევებში გამოიწვია მაჟორიტარული საარჩევნო ოლქების ტერიტორიის მკვეთრი ზრდა, წარმომადგენლობის მიზნებიდან გამომდინარე, მაჟორიტარების მიერ დაკისრებული ფუნქციების სრულფასოვნად განხორციელების მიზნით, აუცილებელია დღეს მოქმედი წარმომადგენლობის ტერიტორიული ერთეულების სახით შენარჩუნება.

დადგენილების პროექტით ხორციელდება ტექნიკური ხასიათის ცვლილება და ამოღებულ იქნება რეგლამენტის მე-19 მუხლის მე-5 პუნქტი.

გარდა ზემოაღნიშნულისა 2021 წლის 19 ნოემბერს საქართველოს ორგანულ კანონში „ადგილობრივი თვითმმართველობის კოდექსი“ განხორციელდა ცვლილება/დამატებები, რომლის შედეგადაც: ა) შეიცვალა მუნიციპალიტეტის საკრებულოში ფრაქციის შექმნისა და ახალშექმნილი ფრაქციის რეგისტრაციისათვის დადგენილი წესი, ბ) განისაზღვრა საკრებულოს თავმჯდომარის მოვალეობის შესრულების ახლებური წესი, გ) მუნიციპალიტეტის საკრებულოს თანამდებობის პირთა ჩამონათვალს დაემატა საკრებულოს თავმჯდომარის პირველი მოადგილის თანამდებობა, დ) განისაზღვრა მუნიციპალიტეტის საკრებულოს თავმჯდომარის მოადგილეთა რაოდენობა, ე) განისაზღვრა მუნიციპალიტეტის საკრებულოს ფრაქციის თავმჯდომარის მოადგილეთა რაოდენობა, ვ) განისაზღვრა მუნიციპალიტეტის საკრებულოს კომისიის შექმნისას მუნიციპალიტეტის საკრებულოს კომისიის წევრთა რაოდენობისა და პროპორციული წარმომადგენლობის კვოტების განსაზღვრის, დამტკიცებისა და კომისიის შემადგენლობის ცნობად მიღების წესი, ზ) განისაზღვრა მუნიციპალიტეტის საკრებულოს რიგგარეშე სხდომის მოწვევისას საკრებულოს რიგგარეშე სხდომაზე მუნიციპალიტეტის საკრებულოს თავმჯდომარის გამოუცხადებლობის შემთხვევაში სხდომის თავმჯდომარეობის საკითხი, თ) განისაზღვრა მუნიციპალიტეტის საკრებულოს კომისიის წევრის უფლებამოსილების შეწყვეტის წესი, ი) მოწესრიგდა მუნიციპალიტეტის საკრებულოს ორგანოებში მუნიციპალიტეტის საკრებულოს ფრაქციის წარმომადგენლობის საკითხი, კ) განისაზღვრა თბილისის საკრებულოს თავმჯდომარის მიერ უფლებამოსილების განხორციელების შეუძლებლობის, მისი თანამდებობიდან გადადგომის ან გადაყენების, უფლებამოსილების შეჩერების დროს თბილისის საკრებულოს თავმჯდომარის მოვალეობის შესრულების წესი. ამასთანავე, ზემოაღნიშნული ცვლილების შედეგად, ცვლილების ტექნიკური ხასიათის გათვალისწინებით, ამოღებულ იქნა/დაკორექტირდა რამდენიმე მუხლი.

გარდა ამისა, ვინაიდან ცვლილებები ხორციელდება იურიდიულ საკითხთა და ადამიანის უფლებათა დაცვის კომისიის უფლებამოსილების ნაწილში უნდა მოხდეს ქალაქ თბილისის მუნიციპალიტეტის საკრებულოს იურიდიულ საკითხთა და ადამიანის უფლებათა დაცვის კომისიის დებულების ჰარმონიზაცია ქალაქ თბილისის მუნიციპალიტეტის საკრებულოს რეგლამენტთან.

შესაბამისად, ურბანული დაგეგმარებისა და საქალაქო მეურნეობის კომისიას მიაჩნია, აღნიშნული პროექტი გატანილ იქნას საკრებულოს უახლოეს სხდომაზე დასამტკიცებლად.

2. „ქალაქ თბილისის მუნიციპალიტეტის საკრებულოს თანამდებობის პირთა და აპარატის პროფესიული საჯარო მოხელეების საშტატო ნუსხისა და თანამდებობრივი სარგოების დამტკიცების შესახებ“ ქალაქ თბილისის მუნიციპალიტეტის საკრებულოს 2018 წლის 16 იანვრის N10-26 დადგენილებაში ცვლილების შეტანის თაობაზე (11-032133511-03 - 01.12.2021)

საკითხი წარმოადგინა იურიდიულ საკითხთა და ადამიანის უფლებათა დაცვის კომისიის თავმჯდომარემ ლევან ჟორჟოლიანმა. მისი თქმით, წარმოდგენილი პროექტით, ქალაქ თბილისის მუნიციპალიტეტის საკრებულოს აპარატში ხდება საშტატო ერთეულების ცვლილება. კერძო, ქალაქ თბილისის მუნიციპალიტეტის საკრებულოს აპარატის ურბანული დაგეგმარებისა და საქალაქო მეურნეობის კომისიის სამდივნოში III რანგის I კატეგორიის უფროსი სპეციალისტის საშტატო რიცხოვნობა განისაზღვრება 4 ერთეულით, ხოლო ამავე სამდივნოში III რანგის III კატეგორიის უფროსი სპეციალისტის თანამდებობა - 1 ერთეულით. მითითებული ცვლილება სხვა სახის ცვლილებებს საშტატო ნუსხასა და თანამდებობრივ სარგოებში არ იწვევს.

შესაბამისად, ურბანული დაგეგმარებისა და საქალაქო მეურნეობის კომისიას მიაჩნია, აღნიშნული პროექტი გატანილ იქნას საკრებულოს უახლოეს სხდომაზე დასამტკიცებლად.

ურბანული დაგეგმარებისა და საქალაქო მეურნეობის კომისიის თავმჯდომარემ რევაზ სოხაძემ სხდომა დახურულად გამოაცხადა.

სხდომის თავმჯდომარე

რ. სოხაძე

რევაზ სოხაძე